



Universitätsbibliothek Paderborn

Medvlla Theologica

Ex Sacris Scriptvris, Conciliorvm Pontificvmqve Decretis, Et Sanctorvm
Patrvm Ac Doctorum Placitis Expressa ; In qua, quidquid tum ad fidei
mysteria sanè ac rectè intelligenda, & ab erroribus quibusvis secernenda,
tum ad sacramenta debitè conficienda & ministranda, tum ad actiones
humanas iuxta ...

Complectens ea quæ ad Sacramenta & mores pertinent

Abelly, Louis

Coloniæ Agrippinæ, 1659

III. Quæ sit materia Sacramenti pœnitentia.

urn:nbn:de:hbz:466:1-38979

ret, illud adimplere non vellet: atqui datur pœceptum di-
vinum, & Ecclesiasticum (ut infra explicabitur) confitendi
peccata omnia mortalia post Baptismum commissa, eaque
clavibus Ecclesia subiiciendi. Vnde sequitur, peccatorem
perfectè contritum ita esse dispositum, ut peccata sua con-
fiteri, & clavibus Ecclesia subiucere expressa vel tacita, seu
interpretativa intentione velit.

SECTIO III.*Quæ sit materia Sacramenti**Pœnitentia.*

SVPPONIMVS juxta doctrinam S. Thomæ q. 84. a. 2. in
Sacramento Pœnitentia sicut & in aliis novæ legis sa-
cramentis, duplēm materiam esse distinguidam, re-
motam scilicet, & proximam: juxta quam distinctio-
nem.

Dicendum 1. materiam remotam sacramenti Pœni-
tentia esse peccata actualia post actualem Baptismi suscep-
tionem commissa. Ita S. Thomas citat artic. 2. & cum eo
communiter omnes. Ratio est quia sacramentum Pœni-
tentia versatur circa peccata, unde sequitur quod ejus sint
materia: dici autem non potest, quod sint materia proxi-
ma, cum illa sit pars ipsius sacramenti, quæ simul cum e-
jus forma ad producendam gratiam suo modo concurre-
re debet; quod peccatis nullumodo convenire potest: un-
de sequitur, quod sint tantum materia remota.

Sunt autem hic aliqua observanda circa remotam illæ
Pœnitentia materiam. Primum est, peccata illa eatenus
dici hujus sacramenti materia, quatenus per Pœnitentia
destruuntur, & abolentur; sicut lignum dicitur ignis ma-
teria, quia per illum consumitur; quo exemplo utitur Ca-
tech. Rom. Part. 2. c. 5.

Secundum est, sola peccata post realem Baptismi suscep-
tionem admissa, esse remotam hujus sacramenti mate-
riam: quod satis exp̄sū declaravit Concil. Trid. Sess. 14.
c. 1. & 2. Ratio est quia sola ea peccata sunt ejus sacra-
menti materia.

ri materia, quæ ab illis commissa sunt, in quos sacerdoti tanquam iudex potest ferre sententiam: at Ecclesia (ut loquitur Concilium Trid. Cit. c. 2.) in neminem iudicium emet, qui non prius in ipsam per Baptismi ianuam fuit ingressus.

Tertium est, peccata omnia post Baptismum commissive mortalia, sive venialia, esse materiam hujus sacramenti; cum de omnibus confessio fieri possit a pœnitente, ut Sacerdote absolutio conferri, ut satis constat ex generali & illimitata potestate remittendi quæcumque peccata, quam Christus Dominus Apostolis, eorumque in facultate successoribus, concessit. Et hoc etiam intelligi debe de peccatis jam in confessione declaratis, & per Sacerdotem absolutionem remissis, ut docet S. Thom. in 4. dist. 17. q. 3. q. 5. ad 4. & dist. 18. q. 1. a. 3. q. 2. ad 4. & post illum. Iud. Major, Med. Suar. & alii apud Laym. tract. 6. cap. 1. Sacr. Pœnit. & demonstrat usus in Ecclesia receptus, & probatus confessiones generales instituendi, in quibus peccata jam antea confessa, & remissa declarantur, & in vibus iterum subiiciuntur: & hanc praxim non solùm confessionibus generalibus, sed etiam in aliis peccatis, qua jam confessa, & remissa iterum declarandi Navant, tanquam sanctam & piam laudat, si devotionis causa conscientia quieta fiat.

Dices, peccata illa iam remissa fuisse, & ex consequenti esse deleta & abolita; proindeque materiam huius sacramenti esse non posse, cum amplius deleri, & aboleriri possint.

Resp. peccata illa eatenus esse huius sacramenti materia, quatenus actus pœnitentis circa illa versari possunt id est, quatenus pœnitens potest illa detestari, confitebitur, sicque materiam proximam huius sacramenti subministrare, quæ simul cum forma illius proprium effectu producat, scilicet gratiam sanctificantem, per quam peccata illa formaliter delerentur & abolerentur, nisi iam dleta & abolita forent.

Quartum est, hanc esse differentiam inter peccata mortalia

talia, & venalia; quod peccata mortalia sunt materia huius sacramenti necessaria, id est, quod non alia ratione quam per hoc sacramentum in re, vel in voto suscepsum remitti possint; peccata autem venalia sunt tantum materia sufficiens, id est quod quamquam recte & utiliter (ut loquitur Concil. Trid. Sess. 14. cap. 5.) citraque omnem presumptionem in confessione dicantur, quod piorum hominum usus demonstrat, taceri tamen citra culpm, multisq; aliis remedii expiari possint. Addit Nav. Cap. 21. num. 35. iis, qui per divinam gratiam peccatis mortalibus non implicantur, utile esse saepius mortalibus non implicantur, utile esse saepius peccata venalia confiteri: quia per id augetur gratia, poena Purgatorii minuitur, propositum nunquam peccandi mortaliter renovatur, & habitus peccandi venialiter diminuitur.

Dicendum z. materiam proximam huius sacramenti esse hos tres actus pœnitentis, scilicet contritionem (sumpto generatim hoc nomine, prout etiam attritionem complectitur) confessionem, & satisfactionem. Ita S. Doctor q. 84. a. 2. & expressè definitum habetur in Concil. Florent. in decr. Eug. & in Trid. sess. 14. Cap. 3. his verbis: *sunt autem quasi materia huius sacramenti ipsius pœnitentis actus, nempe Contritio, Confessio, & Satisfactione. Qui quatenus in pœnitente ad integratatem sacramenti, ad plenamq; & perfectam pœccatorum remissionem ex Dei institutione requiruntur, hac ratione Pœnitentia partes dicuntur.*

Ex illis autem tribus Pœnitentia partibus S. Doctor Cittat. a. z. & cum eo communiter alii Theologi afferunt, contritionem, & confessionem esse partes essentiales; satisfactionem verò esse tantum partem integralem ipsius sacramenti; quod etiam habetur in catech. Rom. Part. 2. c. 5. contritionē enim, & confessionem esse partes essentiales inde constat, q; sine illis Pœnitentia sacramentū, nec fructuosum; nec validum esse possit, ut ex infra dicendis constabit; satisfactionē verò esse tantum integrantē, quod absque ea & validum & fructuosum esse possit, ut patet in pœnitente illo, cui in articulo mortis potest aliquādo valide & fructuosè cōferrī absolutio, quāvis nulla pœnitēti a iniun-

injungatur; & præterea ex eo, quod satisfactio communiter post receptam absolutionem impleatur, ut dicetur infra: ex quibus cum habeatur, illam non esse partem hujus sacramenti essentialiem, sequitur ut sit solum integrans, id est, quod hoc sacramentum absque illa integrum & completum esse non possit; sicut licet pes, vel manus non pars essentialis hominis, cum absq; pede vel manu venire homo esse possit; est tamen pars integrans, quia sine pede vel manu homo integer, & completus esse non potest.

SECTIO IV.

Quæ sit forma Pœnitentia.

FORMA sacramenti Pœnitentia consistsit in his verbis sacerdotis pœnitentem absolvientis: *Ego te absolvō peccatus tuū in nomine Patris, & Filii, & Spiritus sancti.* Ita definitum habetur in decreto Eugenii, & in concilio Trid. sess. 14. c. 3. ubi dicitur *Formam huius Sacramentum in libro ministri verbis positam esse: Ego te absolvō: & hoc etiam docet S. Thom. q. 24. art. 3. ex cuius doctrina quædam obiectata digna colligit Isamb. ad cit. quæst. disp. 2. art. 2. & libent.*

Primum ad validitatem hujus Sacramenti necessaria requiri, ut illa absolutionis verba pronunciantur voce sacerdotis, neque ad hoc satis esse, si scripto tradantur: cujus quidem rei nulla melior ratio afferri potest, quam ipsi Christi Domini institutio, quæ nobis per Ecclesiæ præmissum innotescit. Hæc autem verborum prolatione debet à Sacerdote fieri præsente ipso pœnitente; absolutionis enim absenti conferri non potest, ut declaravit Clemens VIII. specie suo decreto, quod refertur è Laym, tract. 6. c. 3. de Sacra Pœnit.

Secundum est, quod quamvis sacerdos in hujus Sacramenti administratione verba omnia supra relata profemerint & alias preces, quæ & Ecclesiæ instituto ante & post absolu-